

The background of the cover features a composite image. On the right, a close-up of a woman's face is shown, with her hand resting near her chin. On the left, a group of men in traditional Afghan clothing are depicted, some standing and some sitting. The entire scene is set against a dark, atmospheric background with a reddish-brown tint.

11

ИСОҚЖОН НИШОНОВ

# АФҒОН ШАМОЛИ

ОЛТИН УЗУК ИЗИДАН

ИСОҶҶОН НИШОНОВ

# АФҶОН ШАМОЛИ

ОЛТИН УЗУҚ ИЗИДАН

11 КИТОБ

«ТАҒАККУР»  
Тошкент 2017

**84(5Ў)6**  
**821.512.133-31**  
**Н 69**

**Нишонов, Исоқжон.**

**Афғон шамоли [Матн] К. 11 / И. Нишонов. - Тошкент : Tafakkur,  
2017. - 224 б.**

**УЎК 821.512.133-31**  
**КБК 84(5Ў)6**

**ISBN: 978-9943-24-123-7**

© «Tafakkur» 2017 йил.  
© Исоқжон Нишонов

## ИСТАНБУЛ

Сокин эди паёнсиз денгиз, тўлқин-тўлқин бўлиб, кўнгилларга завқ бағишлаб чайқаларди. Марварид мисоли томчилар қуёш нурида жиловланиб кўкка сапчирди. Чағалайлар кумуш қанотларини ёйиб, тумшукларини сувга тегизгудек ҳолатда рақс тушаётгандек парвоз қилишарди. Сувнинг шовуллашига уйғунлашиб кетарди овозлари. Олис сафарга йўл олган улкан кемалар қуйруқлари билан мовий денгизнинг армонли кўксини ёриб, бандаргоҳдан узоқлаша адоқсиз уммон бағрига кириб борарди. Соҳил ҳамишагидек одамларга тўла. Сув ичида чопқиллаб, ўйноқлаб юрарди болалар, шиддат билан келаётган тўлқин қирғоққа яқин қолгач шаштидан тушиб, болаларнинг оёқларига ҳолсиз урилар, ажиб бир тароват бахш этиб изига қайтарди. Тиккага кўтарилаётган офтоб ёқимли тафтини борлиқ узра сочарди. Дам олувчилар саябонлар остида чалқайча ётганча намиққан ва шўх тўлқинлар ювиб турган қум устида баданларини тоблашарди. Соҳилдан юз метрча ичкарида мотори ўчирилган яхта енгил чайқаларди. Анчадан буён шу ерда турарди. Негадир тўлқинлар сурмас, жойидан қимирлатмасди. Унинг тушмуғи олдида учта одам ўтирар, учови ҳам нигоҳини бандаргоҳ томонга тикиканча туришарди. Иссиқ тафтидан буғлаётган туман у қадар қуюқ бўлмаса-да, олисни кўриб бўлмасди. Биз эътиборимизни қаратган кимсалар кимнидир кутишаётганини ҳаракатларидан сезиш қийин эмасди. Юзларида сабрсизлик, бироз безовталиқ зоҳир. Ниҳоят, улар шу томон келаётган катерни кўришди. Ўринларидан туришди. Бирлари кўлига дурбин олиб уни кузатди. Бироқ тумшуги сувни икки ёнга ёриб,

сачратиб, изидан оппоқ кўпиклар ҳосил қилиб келаётгани боис, унинг ичида ўтирганлар каби ёнбошидаги белги ҳам кўринмасди. Бу учовлонни ташвишга солди. Қатер катта тезликда айнан яхта тўхтаб турган жойга бостириб келарди.

– Полиция! – ваҳимали овозда қичқирди қўлига дурбин олган кимса.

Ўтирганлар ғимирлаб қолишди.

– Моторни юргизинглар! – буйруқ берди бошқа бири.

Яхта ичида шовкин кўтарилди. Мотор гуриллади. Қушлар ҳуркиб, йироқларга учди. Бироқ уларнинг хавотири ўринсиз эди. Дурбинли кимса қичқирди:

– Ўзимизники!

Унинг овози шовкинни босди, шериклари енгил нафас олиб ўз жойларига қайтишди. Моторни ўчиришга эса шошилишмади. Кузатувчи катернинг тумшуғидаги таниш белгини кўриб қолганди. Юқоридаги тўполон пастга ҳам эшитилганди. Елкасига жунли халат ташлаб олган, офтобда қорайган ярим ялонғоч бадани кўриниб турган кимса юқорига кўтарилди.

– Нима гап?! – сўради у қаршисида турган хизматкордан.

– Анатолий Аркадьевич, турк келмоқда! – шоша-пиша жавоб қилди у.

Анатолий қўлидаги соатига қараб:

– Ўн дақиқага кечикди, тулки! – деди. Оғзидан чиққан сўз унинг аччиқланганини эмас, аксинча, кутаётган одами келаётганидан мамнунлигини билдирарди.

Катер яхтага яқин келиб тўхтади. Хизматкорлар тахта ташлаб кўприк ҳосил қилишди. Олтмиш бети ёшлардаги одам катер ичидан чиқиб, кўприкдан ўтиб келди. Анатолий уни қарши олди.

– Ҳуш келибсиз, Баққолбэй! Сизни уринтириб қўйганим учун узр...

– Ҳожати йўқ, қадрдоним! Учрашувни соҳилдан олисда ташкиллаштириб маъқул иш қилибсиз! – деди Баққолбэй руснинг узатган қўлини қисиб.

– Хавфсизлик чоралари бизга таҳдид солиши мумкин бўлган хатарлардан сақлайди! Қани, марҳамат!

– Гапингизга қўшиламан, кўчалар, уйлар видеолаштирилган, кўзга кўринмас овоз ёзгичлар ўрнатилган, қаттиқроқ аксиргани ҳам кўрқасан, – деди Баққолбэй бош чайқаб.

Улар юмалоқ стол атрофидаги курсиларга ўтиришди.

– Ҳўш, муҳтарам Баққолбэй, камина учун қимматли бўлган соғлигингиз жойидами? – сўради Анатролий.

– Нолимайман, ҳар куни яратгандан ўзимга ва сизга омонлик, ишларимизга ривож тилайман.

– Сизнинг дуоларингиз ижобатсиз қолмайди!

– Куттириб қўйганим боис каминанинг узрини қабул қилинг!

– Узрга ҳожат йўқ. Муҳими, учрашув баҳона дийдорлашувимиз – улуг бахт, муҳтарам Баққолбэй. Ҳўш, мени қувонтирадиган қандай хушхабарлар келтирдигиз?

– Сиз учун анчагина янгиликлар йиғилиб қолди, азизим.

– Шундайми?

– Бир хушхабар бор...

Руснинг қулоғи динг бўлди.

– Қандай хабар экан?

– Яқинда одамларимдан бири Афғонистонда бўлиб, толибонлар ҳукуматининг раҳбарлари билан учрашиб қайтди.

– Бунинг ишимизга нима дахли бор?

– Дахли шундаки, энди биз «дори»ларни фермерлардан эмас, балки ҳукумат тепасида турган дўстларимиздан оламиз.

– Сиз уларга ишонасизми?

– Ҳа, улар ишончли одамлар, бизни ҳеч қачон уялтириб қўймайди.

– Шуни унутмангки, Баққолбэй, сиз айтаётган амалдорлар бугун бор, эртага ўққа учиб кетиши мумкин.

Бу гапдан Баққолбэйнинг кулгиси қистади.

– Гапингизга қўшила олмайман, азизим, афғон заминида уруш неча йиллардан буён давом этаётган бўлса, билингки, бирорта мансабдор ўққа учмаган. Урушни улар бошлашади, ўққа эса оддий инсонлар учади.

– Сиз айтган амалдорлар бизга «дори»га ўз хунларини ҳам қўшиб беришса керак. – Руснинг овозидан Баққолбэйнинг таклифига рози эмаслиги сезилиб турарди. – Биз фермерлар билан алоқага чиққанимиз дуруст. Биринчидан улар «дори»ларини ўзлари етиштиришади. Биринчи қўл, устама қўйишмайди. Иккинчидан, уларга маблағ керак. Бизнинг шартимизга қўнишга мажбурлар!

– Гапингизга қувватлаган ҳолда ўзимнинг айрим фирмаларимни айтишга ижозат беринг, – Баққол руснинг асабийлашаётганини сизди.

– Марҳамат, сиз билан бизларни ягона мақсад бирлаштирган!

– Бизга «дори» етказиб берадиган раҳбарга пул керак эмас. Унинг бойлиги ҳаддан ташқари бисёр.

– Ҳада қилмоқчимиз?

– Йўқ, у биздан бошқа нарса олмоқчи.

– Хўш, нима истайди, ўша жаноб?

Баққолбэй умидли кўзларини русга тикиб турди-да, гапни узоқдан бошлашга қарор қилди:

– Ўзингизга аёнки, айни пайтда Афғонистондаги бир қатор вилоят ҳокимлари ўртасида катта тортишув ва жанжаллар юзага келмоқда. Толибонлар эгаллаб олган шаҳару қишлоқларни бирин-кетин ташлаб чекинишмоқда. Назаримда, улар ўз ғалабаларидан кўра мағлубиятларига кўпроқ ишониб қолган кўринади. Аҳоли эса толибонларга қарши кўлига қурол олмоқда. Кундуз, Хонабод ва Банги шаҳарларини халқ ўз назоратига олди. Толибонларнинг қурол-аслаҳалари, ўқ-дорилари таги кўриниб қолган кўринади. Пешавор, Кунар, Файзиобод каби вилоят ҳокимлари ёрдамчиларини Кашмирий жанобларининг олдига юбориб, катта миқдорда қурол-аслаҳа талаб қилишибди. Бу гап мулла Умарнинг қулоғига етиб борган. У таклифни маъқуллаган. Қандай қилиб бўлмасин қурол-аслаҳа захирларини кўпайтиришни маслаҳат берган. Бу борада дўстларимиз сизнинг ёрдамингизга муҳтождирлар!

– Менинг ёрдамимга? – ажабланиб елка қисди Ава-толий.

– Шундай!

Рус учун кутилмаган таклиф эди бу. «Темирни қизғида бос» мақолига ҳамиша амал қиладиган Баққол руснинг миясига бошқа фикр келиб қолмаслиги учун шошиб сўзида давом этди.

– Менимча, биз улар билан муносабатни яхшилаб олсак, анча даромадга эга бўламиз. Келгусидаги ишларимизга йўл очилади. Бир сўз билан айтганда, янги давлат ўзимизнинг кадрдон уйимизга айланади.

– Улар мендан нима исташади?

– Қурол!

– Ахир, мен...

Баққолбўй руснинг фикрини яқунлашга қўймай, оғ-зидан сўзини юлиб олди.



– Биламан, азизим, қўлингиздан хўп иш келади. Сиз кўп нарсаларга қодирсиз. Россияга эмас, балки жаҳоннинг қудратли давлатларига ҳам қўлингиз етади.

– Уларга қандай қурол керак? – сўради Бакқолнинг мактовидан ғурурланиб кетган Анатолий.

Бакқол тилининг учида турган сўзни айтди:

– «Град»!

Анатолий чўчиган одамдек сесканди.

– Бу қандай қурол эканлигини биласизми?

Туркнинг ялпоқ юзи нохуш табассумдан хунуклашди.

– Очигини айтсам, «Град»нинг қандай қурол эканлигидан беҳабарман, бироқ уни топиш қўлингиздан келишига қаттиқ ишонаман, – деди яна ялтоқланиб. Бакқол бу сўзни шундай оҳангда айтди-ки, эътирозга оғиз жуфтлаган Анатолийнинг айтмоқчи бўлган сўзи тилида қолди. Ўрнига бошқа сўз айтилди.

– Унинг қора бозордаги нархидан хабардормисиз?

Бакқол учрашувга пухта тайёргарлик кўрмагани, ҳеч бўлмаса, «Град» ҳақида етарли маълумотларга эга бўлмагани учун ўзини койиди. Аммо, шу топда дилидагиларни тилига кўчиришга журъат этолмади.

– Нар и борса, эллик минг доллардир-да! – деди тусмоллаб.

Юзларида жиддийлик аломати зоҳир бўлган Анатолий бошини чайқади. Ўртага оний сукунат чўкди. Яхта тепасидан бир гала қушлар учиб ўтди.

– Адашдингиз, афэндим, сиз айтган қуролнинг қора бозордаги қиймати юз минг доллардан юқори, – ниҳоят тилга кирди рус. У бу сўзни паст овозда айтган бўлса-да, туркнинг қулоғида жаранглагандек бўлди. У «Град»нинг бу қадар қиммат туришини хаёлига келтирмаганди.

– Ваъда қилингандан кейин бажаришга мажбурман,  
– деди ноилож қўлларини ёйиб..

– Оғир вазифани зиммангизга олибсиз!

Анатолийнинг паст овозда айтган сўзи Бакқолнинг кулоғига «менинг қўлимдан келмайди», деган маънода етиб борди. Шу сабабли руҳи тушиб кетди. Юзида бояги қувноқликдан асар қолмади. Буни синчков Анатолий ҳам дарров сизди.

– Мен сизга ишонгандим! – деди бироздан кейин минғирлаб Бакқолбей.

– Очиғини айтсам, қуролни топиш қўлимдан келади. Бироқ уни чегарага етказиб келиш ва чегарадан ўтказиш вазифаларини зиммамга ололмайман. Ҳамёнингиздан анчагина пулни суғуриб олади.

– Шавла кетса кетсин, обрў кетмасин, азизим! Агар ўнта «Град»ни мен айтган одамнинг қўлига топширсак, хувуллаб қолган чўнтақларимизда миллионлар жаранглайди. Одамларимиз афғоннинг истаган жойидан худди карвонсаройдек кириб-чиқаверадилар. Мушугимизни пишт дейдиган, кимса топилмайди.

– Узокни кўзлаб иш юритасиз-да, афэндим, – деди рус жилмайиб.

Бу табассум юқумли вирус каби Бакқолга ҳам таъсир қилди. Унинг япалоқ башарасидан тушкунлик кўтарилди. Кўзлари ялтиради. Юрагига умид кирди.

– Мен фақат ўзимни эмас, сизнинг ҳам эртанги кунингизни ўйлайман, азизим. Ахир, сизсиз ҳеч ким эмас-лигимни яхши тушунаман. Мен улардан оладиган энг қимматбаҳо «дори»лар фақат сизнинг қўлингиздан ўтади ва дунёнинг қора бозорларини гуллатади.

Анатолийни ўй олиб қочди. Чиндан ҳам, Бакқолнинг толибонлар билан алоқани мустаҳкамлаши келгусидаги ишларининг ривожланиши учун дарча очади. Қора бо-



Bu tanishuv parchasidir. Asarning to'liq versiyasi  
<https://kitobxon.com/oz/asar/2942> saytida.

Бу танишув парчасидир. Асарнинг тўлиқ  
версияси <https://kitobxon.com/uz/asar/2942>  
сайтида.

Это был ознакомительный отрывок. Полную  
версию можно найти на сайте  
<https://kitobxon.com/ru/asar/2942>